



17187

kat.komp.

I Mag. St. Dr.

P

*Schonei And: Fax natalis ad illustres  
cum Nassi Comites.*

PANEG. et VITAE

Polon.

4<sup>o</sup>N<sup>o</sup> 1016.

Biblioteka Jagiellońska



stdr0002972



# FAX NVPTIALIS

AD ILLVSTRISSIMOS  
NOVOS CONIVGES.

GABRIELEM COMITEM IN  
Tenczin, Gladiferum Regni Poloniae:  
ET ELISABETH RADIVILAM,  
Ducem in Olica & Niesuis.

*Andreae Schonei S. Theologiae in Aca-  
demia Cracoviensi Professoris.*



CRACOVIAE,  
In Officina LAZARI, Anno Domini

1 6 0 3.

FAX NYPTIALIS

AD ILLESTRISSIMOS  
NOVOS CONIVGES.

GABRIELEM COMITEM IN

Tuncum Gladistum Regni Poloniz:

ET ELISABETH RADIVILAM,

Ducem in Oliva & Nihilis.

Ante Schenck 2. P. Reologie in Act.

Ante Schenck 2. P. Reologie in Act.



1787

CRACOVIA.

In Officina Lazari, Anno Domini

1 6 3.



# FAX NVPTIALIS

*Ad Illustriſſimos novos Coniuges*

GABRIELEM COMITEM IN TENCZIN.

*Gladiferum Regni Poloniae:*

ET ELISABETH RADIVILAM,

*Duciſſam in Oliva & Nieſuiſ.*

ANDREAE SCHONEI S. T. D.



I geminae platani, ſimul alto vertice  
ſurgant,

Et patulas frondes, vmbroſaque bra-  
chia iungant;

Quæ tum deliciæ charis capiuntur  
ocellis.

Quæ noua ſuſpenſam pertentant gaudia mentem.

Illas prætereat ſi imprudens fortè viator,

Genua labant licèt, & premat acer anhelitus artus;

Ociùs ille redit ſua per veſtigia paſſu

Deproperante, decus filuæ, frondesq; comantes

Miratur, figitq; oculos, ardetq; tuendo,

Nec viſum ſatiare poteſt, iuuat vſq; morari.

Si quando imbrifera denſantur nube tenebræ,

Auſter & immenſum cælo vehit agmen aquarum

Et tonitru tellus tremit, & micat ignibus æther,



Atq; indignantur validis stridoribus Euri:  
Syrius aut ardens tellurem torret hiulcam,  
Aret & omnis ager, flauæ moriuntur & herbæ;  
Huc fugiunt Hominesq; feræq;, & tegmine opaco  
Terrifici Iouis euitant irasque minasque,  
Atq; soporiferas umbras & frigora captant  
Sic si magnanimæ stirpes, gentesq; potentes,  
Seu per amicitiam, seu per connubia sacra  
Sese amplectantur, dextrasq; & fœdera iungant;  
Quàm pulcra est rerum facies, quàm cuncta renidēt  
Lætitia, Patriæ quæ spes & commoda surgunt.  
Non iam seditiosa manus, mutabile vulgus  
Motibus insanis agitabit, vt Africus asper  
Pleiadum turbante choro, tumida æquora vexat,  
Concilium & regni iusta ratione coactum  
Infectum reddet, diffinget & omnia demens:  
Non acuent ferrum ciues, ensesq; recusos  
In se diffingent, cognataque viscera rumpent:  
Non auro vendent patriam, non hostibus ipsis  
Mœnia semiruta ostendent, portasq; reuellent.  
Magnanimo generosa satū procurret in arma,  
Militiāmq; acrem, frigusque famemq; Iuuentus  
Durabit, charum caput obiectare periclis  
Prodiga, purpureo & cum sanguine fundere vitam.  
In castris inter lituosque & prælia honesti  
Vsq; tenax, constans iusti que æquiq; satelles.

Non



Non populari agros, non raptu viuere sueta,  
Non fæda ingluuiæ & luxu rem perdere; verum  
Fortuitis mensis gaudere, epulisq; paratis,  
Terrestres cænas agitare, & sanguine cassas.  
Quin & Relligio, populos quæ seruat & vrbes,  
Exeret auricomos vultus, turritaq; templa  
Eriget, & statuet magnis cum censibus aras.  
Hæresis atra petet latebras, intraq; cauernas  
Sibila rauca dabit, vana rumpetur & ira,  
Aut abiurabit fraudes pellacis Auerni.  
Vos quoq; puræ animæ, quæ pulpita docta scholarû  
Ingenij magnis fulcitis viribus, atque  
Artibus excolitis, miti & pietate iuuentam,  
Vidtrices lauros, & præmia iusta feretis,  
Pro cura vigili, grauiusq; laboribus actis;  
Durate interea, necduræ ceditæ forti  
Ingentesq; animos gestate in paupere censu,  
Durate, & vosmet magnis seruare patronis.  
Nescio quos videor mihi cernere Mœcenates,  
Et bona fortunæ rota vertier incipit ad vos,

Atque inter Litauûm proceres nō clarior vlla est  
Stirps Radiuiliidûm, tot auos, atauosq; potentes  
Enumerat, stantesq; in curribus Æmilianos,  
Qui defensarunt patriam felicibus armis,  
Hostilesq; minas fregerunt fortibus ausis.  
Senferunt toties Mosciq; Scythæq; gementes,



Quid queat illorum virtus, animosa q̄; dextra.  
Iunxerunt Lithauos æterno fædere Lechis,  
Sarmatiæ & duplici firmarunt robore vires.  
Clarorum ergò Ducum prælustria nomina adepti,  
Et Regum affines æterna laude canentur.  
Ipsos Roma etiam Fidei suprema potestas,  
Relligionis apex, Petri indubitata q̄; sedes,  
Sacro purpurei decorauit honore Senatus.  
Quo vos Tencinij Eloquio, quo Carmine dicam,  
Antiquum germen, plenum & virtutibus amplis.  
Quorum maiores Lechi comites socij q̄;  
Nunc latè armifonis legionibus imperitarunt,  
Exercere boni fera munera militai,  
Nunc stabiliuerunt pacem prudentia & æquo,  
Sarmaticum cælum portantes viribus alris.  
Si quando in lato populo furiosa coorta est  
Seditio, atq; animis sæuitum est acribus, vltro  
Lati affulserunt semper, patriæ q̄; salutem  
Dulceque solamen cum libertate tulerunt;  
Illorum & nutu cecidit fragor omnis & ira.  
Si quando patriam vrgerent inimitia fata,  
Et circumstarent hinc inde periculi & hostes,  
Voce salutiferæ Starzæ Generosa iuuentus  
Martem accendebat, se & fortia in arma ciebat.  
Ipse SIGISMUNDVS primus REX optimus olim  
Iam moriens, claudensq; suprema lumina nocte,

Vocibus



Vocibus extremis Radiuulos Tenciniosq;  
Augusto nato memori laudauit honore,  
Illius & curæ, patrociniūq; reliquit.

Quare lætitiæ plausus iuuat edere, festis  
Et foliis vestire ædes, aulæaq; picta  
Figere parietibus, thurisq; accendere odores.

TENCINIUS GABRIEL, quo non præstantior inter  
Florentes iuuenes, forma, pietate, fatūq;

Ante annos animumq; gerens, sensusq; seniles,

Cuius ab ore fluunt mera mella meriq; lepores,

Tullij ad Eloquentiam natura factus & arte,

Connubio iungit stabili sociam sibi vitæ

ELIZABET RADIVILAM illustri sanguine cretam,

Qua non famineos inter præstantior vlla

Coetus, stirpe, decore oris, pietate, pudore,

Naturam superat teneram virtutibus amplis,

Atq; virilem animum muliebri in corpore versat.

Nata bono genitore, oras qui Sarmaticæ Arcti,

Instruit innocua vita, pietateq; rara.

Immensasq; effundit opes, censusq; opulentos,

Munificis dextris in templa scholasq; inopesq;

Vidit Idumæas, emensus tot freta, terras

Atque Palæstinum veneratus puluerem, & ore

Pronus adorauit vestigia sancta Salutis.

Vidit Bethlemium vicum, Dei vbi Enthea proles,

Humanos induta artus, has luminis auras,



In vili stipula, tremulis vagitibus hausit.  
Nazaret & vidit Domini nutriculam amicam,  
Iordanisq; sacros auído bibit ore liquores.  
Illud & excisum solida de rupe sepulchrum,  
Quo Christi exanimis iacuerunt frigida membra,  
Planctibus impleuit, lachrymisq; rigauit amaris.  
Ascensu euasit montis Thabor iuga celsa,  
Christus vbi totus mutato apparuit ore,  
Titanisq; instar, diuina luce refulsit,  
Sarmaticasq; niues candore anteiuit amictus.  
Sic & Oliuiferi stetit alto in vertice montis,  
Victor vbi noster, spolijs ornatus opimis,  
Angelicos inter plausus, stipante caterua  
Immensa patrum, superas remeauit ad arces.  
Vidit & horrendas Solymæ infelicitis arenas,  
Quas super haud impunè queunt fundamina poni.  
Multa mari & terra passus, tot adire labores,  
Voluere tot casus, pietas animosa monebat.

Qualem progeniem fælici stirpe daturæ  
Estis, ô illustres animæ, par nobile amantum  
Quæ patris ingenium referat, mentisq; vigorem,  
Atq; pudicitiam matris notet ore oculisq;  
Perq; exempla patrum, vestigiaq; alta atauorum,  
Ad decus æternæ virtutis tendat anhelans.  
Marte togaq; potens, nunc acres fortis in hostes  
Irruat, & spolia ampla ferat, laudemq; perennem,  
Nunc



Nunc pace in media Regem procereſq; fideli  
Conſilio iuuēt, & curas & pondera Regni  
Sūſtineat, Ciueſq; ſuos tueatur & ornet.

Fortibus atq; bonis ſimiles naſcuntur, & ardor  
Et vigor ingenuus puro cum ſanguine in artus  
Corda q; natorum manat, licet improba proles,  
Sæpe malis culpis foedet bene nata premat q;  
Non generat timidum Damam Getula Læna,  
Armiger haud q; Iouis pauitanti corde columbam,  
Trax & Arabs Sonipes, campis aut natus Iberis,  
Quem q; fouet, multa exercet q; Neapolis arte;  
Non edit pecus ignauum, mulum q; aſinum q;  
Aut iuga ducentem dura ceruice caballum;  
Sed progignit equum, qui flammas naribus efflet  
Mordeat & frænos, ſpumaſq; agat ore cruento,  
Stare loco nequeat, micet auribus & tremat artus,  
Quem litui q; tubæ q; iuuent, belli & fragor ingens.  
Sic Macedo ille potens, forti genitore creatus  
Fregit opes Aſiæ, Babilonia regna q; cepit,  
Fortibus atq; armis fuſcos penetrauit ad Indos.  
Sic & Scipiadæ gemini, maior q; minor q;  
Africa victa, quibus peperit memorabile nomen,  
Impigris vexare hoſtes maioribus orti,  
Alter inextincta proſtrauit adorea atrocem  
Hannibalem, tantis qui ſtragibus atq; ruinis  
Italiam impleuit, tot funera damna q; mouit:

Alter

Alter sædifragæ toties Cartaginis arces  
Diffidit, euertit, flammisq; vlttricibus hausit,  
Curuaq; disiectis muris impressit aratra:  
Tandē aliquando metu soluens corda alta Quiritū,  
Et reduci somno demulcens membra Catonis.  
Sicq; Palatini illius, qui sceptrā tenebat  
Sarmatiæ cum alijs, post funera Lechiadarum,  
Sanguine Siecechus natus, quæ prælia victor  
Edidit, & quantus consurgere suetus in hostem.  
Cuius vos estis, post tempora longa, Nepotes,  
TENCINI, illius de posteritate oriundi.

Quare felici vos numine inite hymenæos,  
Coniugij & sacri sædus venerabile fidis  
Pectoribus, puroq; animo seruate fidēq;  
Non mala suspicio mentes exasperet acres  
Infestis odiis, non linguam in iurgia soluat  
Exacuatq; graues iras discordia demens.  
Absint compositiæ fucato in pectore fraudes,  
Insidiæq; doliq; æque artes mille nocendi.  
Absit mæror edax, absint curæq; minaces,  
Quæ tacito mentem corrodunt vulnere, & omnem  
Visceribus succum exsorbent, membrisq; vigorem,  
Nec vos pallentes morbi, queruliq; dolores  
Tentent, non artus febris depascat anghela.  
Luridus & pallor non occupet ora genasq;  
Sed semper vigeat mens sana in corpore sano,  
Corpo-



Corpore & in gemino mens vna sit, vna voluntas.  
Viuite florentes virtutibus, & sine labe,  
Exortes vitijq; omnis, procul atq; querela.  
Nascatur thalamo fœcundo mascula proles,  
In spem Tencinidûm, magnû & patriæ incrementû.  
Nascatur roseis oculis labrisq; puella,  
In spem Connubij procerumq; Ducumq; potentû.  
Deniq; quodcunq; in mundo splendetq; hilaratq;  
Quicquid & exoptant homines, mirantur amantq;;  
Ominibus lætis, votisq; fauentibus opto.  
Siste Thalia gradum, felicia verba profata:  
Et pro coniugibus tacitè pia numina adora.







C  
V  
E  
I  
D  
C  
C  
S  
E

